

仁齋傷寒類書活人總括

五之七





新刊仁齋傷寒類書活人總括卷之五

懊懷懷平仄兩音

懊懷心堅用陷胃

發黃須與茵陳葷

舌間胎白豉梔供燥糞陽明承氣攻

懊懷者懊惱鬱悶之狀蓋由表證誤下正氣內虛於是客氣乘虛入而動膈煩鬱微疼特未至結胃之甚也由懊懷而結胃亦不難矣

煩躁因鞅

○短氣煩燥胃中懊懷心下因鞅則為結胃用陷胃湯○舌

上白胎虛煩不得眠心下懊懷或飢不能食頭汗出此邪熱

鬱於胃中也並梔子豉湯吐之○陽明病下之後懊懷而煩

胃中有燥糞此熱結於胃也承氣湯攻之○陽明無汗小便

不利心中懊懷者必發黃用茵陳湯是則胃中邪熱前後二

部俱泄之也

痞

桃梗乃桔梗之訛

十二行 鞭暗
十三行 改鞭
十七行 共行

痞滿關沉痛不侵
惡寒勿下先投桂

關浮肝熱用連芍
痞利餘糧及瀉心

當汗誤下或病屬陰而反下之輕則為痞其狀心下滿而不痛按之則濡是其虛邪留滯故但滿而不痛也通用枳殼挑

梗最良若欲攻之亦須表證已解則可矣
○痞者關脈多沉(枳實理中丸)半夏瀉心湯主之(桔梗枳殼湯)尤妙○關脈浮而痞此為肝熱用(三黃湯)瀉其肝若或惡寒汗出(三黃湯)加附子名(附子瀉心湯)服湯後痞不去煩渴小便不利(五苓散)主之○下後復汗心下痞而惡寒者表未解也不可攻痞當先與(桂枝湯)表解乃可攻痞用(三黃湯)表未解而心下妨悶曰支結用(柴胡桂枝湯)胃脇滿而微結(小柴胡)加(乾薑牡蠣湯)表證在數下之協熱而利心下痞鞭表裏俱病(桂枝人參湯)○下利心下痞鞭乾噎食臭腹鳴(甘草瀉心湯)生薑瀉心湯證治論用(桂枝人參湯)若利不止則治

振

痞滿
痞薄改

下焦用(赤石脂禹餘糧湯)又不止即利小使用(五苓散)○發熱汗出不解嘔吐下利心中痞鞭用(大柴胡湯)下之此太陽證○吐汗下後噎氣痞鞭旋覆代赭湯若咳逆氣虛則先用(四逆湯)胃寒則先用(理中丸)後用(旋覆代赭湯)若虛煩心下痞薄氣上衝胃頭眩經脈動身振搖(伏苓桂枝白朮甘草湯)○(十棗湯)證須是身涼表解脇疼而痞則可用

結胃痛硬滿其中
熱實多煩寒不熱

大小隨各用陷胃
水兼浮脈豈容攻

○病發於陽而下之早或當汗而誤下外證項強心下滿硬而痛者結胃也結胃痛硬是為實邪在裏法當下之若脈浮大若表證若水氣戒不可下亦有下經下劑而心下鞭滿者此又有可吐可下不同焉經曰病人手足厥脈乍緊邪結胃中

心滿而煩飢不入食當吐之是則病在胃中故也經曰陽明

病心下鞭滿不可下下之遂利不止而死是則邪氣自表傳裏留於心下未全為實法當吐之故有此戒也審如是則經所謂高者因而越之是尔吐下界限判然天壤安可以結胃裏實例論之乎要之結胃治法大要審其邪氣所在而已矣或曰結胃證具加煩燥而不治者何此胃氣絕也胃氣既絕安能布藥力以勝邪也哉○凡病在胃膈者上腕澎湃痰壅氣促粥藥不能下咽

○結胃寸脉浮關尺皆沉或沉緊俱當下若脉浮大或有表證則先用小柴胡湯表已解即下之○大結胃不按而痛胃連臍腹痛硬不可近大陷胃湯陷胃湯太峻合用者只與陷胃丸○小結胃按之而痛只心下硬用小陷胃湯○熱實結胃懊憹煩渴心下痛少與大陷胃湯○寒實結胃無熱證三物白散枳實理中湯丸○水結胃心下怔忡頭汗出魚大熱小半夏加茯苓湯小柴胡去棗加牡礪湯○臍結亦是結胃

一種但舌上胎滑時時下利陰筋引痛有本條○病人血結胃此熱入血室見識語條下膿血條○結胃先理其氣用桔梗枳殼湯枳實理中湯渴者加枳萋根證治論諸藥不愈用增損理中丸凡結胃理氣已平旋復大便澀者須利導之否則熱邪結為塊血○誤下後未成結胃急與理中湯救解○陰毒陽毒隨氣逆上伏於胃中亦有結胃痛硬之證治法詳見本條

氣短

氣短裏實熱來潮
停水心間并裏水

風濕澁難汗自流
太陽誤下結胃不

氣短者呼吸短促而不能相續是也其間呼吸多吸少皆不救焉千金曰少氣不足以息者危金匱曰短氣不足以息者實大抵短氣為實亦有表裏虛實之差心腹脹滿而短氣者邪在裏而為實也心腹濡滿而短氣者邪在表而為虛也其或

怔忡氣短此則心下停水致之體認不精其差千里信矣哉
 ○氣短潮熱腹滿而喘此為外欲解而裏實小承氣湯大柴
胡湯○風濕相搏汗出短氣小便不利惡風不欲去衣其邪
 在表甘草附子湯○食少飲多水停心下亦令氣短小半夏
湯○身涼乾嘔短氣汗出不惡寒此表解而裏有水十棗湯
 ○誤下太陽短氣煩燥心中懊憹因鞭便為結胃大陷胃湯
九更發黃一證

喘
 喘不熱熱解表家
 汗多潮熱裏攻邪
 水嗽青龍杏去麻
 滿胃合病尤須汗

○經云肺氣實則喘逆上氣所以氣逆者邪氣為實耳傷寒發
 喘邪氣在表者心腹濡而不堅外證無汗法當汗之邪氣在
 裏者心腹脹而為滿外證有汗法當下之又有水氣作喘心
 下怔忡即水為邪是以有小青龍之證若經汗下逐水不獲

痊愈喘促上攻雍塞而不得息可以瓜蒂散從權吐之吁喘
 特病之常也其或直視謔語而喘汗出髮潤而喘身汗如油
 而喘皆不可救此邪氣內盛而正氣欲絕也臨機對境盍消
 息焉○麻黃專主喘喘家湯劑多用麻黃
 ○太陽證無汗而喘麻黃湯或誤下之利不止脈促有汗而
 喘葛根黃芩黃連湯下之微喘者桂枝加厚朴杏子湯發汗
 後不可更行桂枝湯若汗出而喘無大熱者麻黃杏仁甘草
石膏湯○陽明證汗出不惡寒氣短腹滿潮熱而喘小承氣
湯若脈浮無汗而喘即汗之用麻黃湯○太陽陽明合病喘
 而胃滿勿下可麻黃湯○水氣嗽喘乃太陽汗後飲水多而
 水停心下小青龍去麻黃加杏仁主之小腹痛者小青龍去
麻黃加茯苓○陰證喘則必促脈伏而厥返陰丹五味子湯
 ○鼻息鳴喘氣逆上衝孫用和用麻黃湯加吉皮杏子久喘
 咳漱感冒鼻涕易簡九寶湯

咳嗽

嗽家嘔喘屬膀胱

若是少陰頻下利

寒熱胃堅值少陽
四肢沉重更清涼

○肺主氣氣逆而不下則嗽熱邪乘之氣則燥鬱寒邪乘之氣則冷滯水飲乘之又與氣搏熱寒水飲皆生痰壅嗽之所從始乎陰陽治法固自有條其間水咳三證不可無辨小青龍湯太陽之表水也十棗湯太陽之裏水也真武湯陰證之水氣也常須識之雖然古人一藥對一病所主安在哉曰水與表寒相合而咳則小青龍汗之水與裏寒相合而咳則真武湯溫之裏痺合水動肺而嗽焉十棗所以以下之也

○太陽病身熱嗽喘心下怔忡乾嘔微利此水氣在表小青龍湯小便不利小腹滿者去麻黃加茯苓發熱惡寒身體痛者只依本方若身涼咳嗽乾嘔微利心下痞滿引脇疼痛為裏有水十棗湯○少陽病寒熱往來胃腸鞭滿四痛咳嗽小

鞭改鞭 下同

姜改薑 下同

柴胡湯或微利去人參生薑棗加五味子乾薑○少陰病水氣咳嗽四肢痛重腹痛下利或嘔真武湯加五味子乾薑細辛少陰咳而四逆或腹痛或泄利或悸四逆散加五味子乾薑少陰咳而嘔渴心煩不得眠下利猪苓湯○熱咳金沸草散或唾膿血小柴胡加黃芩或黑豆入生姜煎湯○咳嗽頭痛不惡寒身大熱若臍腹亦有熱而內作痛者須下之用大柴胡湯張氏曰發汗不解腹滿痛者急下之可大承氣湯又曰腹中滿痛此為實大柴胡下之○咳嗽中滿而嘔用大半夏湯解利以後胃寒不食則理中湯加橘皮半夏茯苓細辛五味子痰多二陳湯加細辛五味子治嗽通用大橘皮湯

咳逆

咳逆垂危苦胃寒
不痊乳下應須灸

橘薑苓夏勝靈丹
腹滿之時療已難

咳逆俗謂之噫古人謂之噦蓋胃氣本虛吐下太過或復與

垂 壘

之永以發其汗胃虛氣逆噫噦生焉病勢至此極矣雖然咳
逆出於胃寒固也其有水挾寒氣擊搏而成者則茯苓半夏
逐水主噫官桂丁香下氣禦寒又有熱氣擁鬱氣不得通而
成者則小柴胡加生姜自有條例惟是噦而腹滿不得小便
或後部不通此為真病雖有神醫末如之何

○橘皮乾姜湯 羌活附子散 半夏生薑湯 退陰散 主之以意
擇用不瘥即灸乳下其法婦人屈乳頭向下盡處骨間三壯
丈夫乳小以一指為率亦三壯男左女右文負如小豆許大
抵乳直下陷中有動脈處是詳見下膿血條○證治論嘔噦
手是逆冷小橘皮湯若加胃滿虛煩不安大橘皮湯○陽證
咳逆潮熱小柴胡湯加生姜吉皮竹茹湯仍視其大小便何
部不調即通利之○噦而腹滿大便不利小承氣湯噦而腹
滿小便不利猪苓湯○陽明傷風脈弦浮小便難潮熱而噦
小柴胡加茯苓湯○易簡論傷寒咳逆為篤證他病見之亦

然以半夏生薑湯主之又方丁香柿蒂煎湯調蘇合香丸大
抵咳逆不止者不可救藥○水氣乘肺亦主噫逆微咳當以
表水裏水法治之見咳嗽條

乾嘔

乾嘔身熱小青龍
下利白通并四逆

涎沫菜黃汗桂供
脇疼十棗裏之攻

乾嘔者嘔而無物出也大抵熱在胃脘與穀氣并熱氣上熏
心下痞結則嘔而無所出焉少陰下利姜附主下利也厥陰
吐沫菜黃主涎沫也汗出乾嘔桂枝主自汗也邪去則嘔者
定矣若夫水氣二證又當以表裏分之發熱欬喘而乾嘔者
此則水氣在表與青龍湯不發熱不惡寒脇痛咳利而乾嘔
者此則水氣在裏與十棗湯是又不可無別然而表水裏水
皆有效嗽何耶曰水氣乘肺也
○表不解心下水氣身熱乾嘔微喘或利小承龍汗之○乾

嘔吐涎沫頭痛一云少陰一云厥陰並吳茱萸湯得湯反劇者則與小柴胡湯○汗出頭痛乾嘔桂枝湯○少陰下利乾嘔脈微白通湯利不止乾嘔而煩厥逆無脈白通加猪膽汁湯裏寒外熱脈微欲絕或乾嘔通脈四逆湯○身涼汗出脇疼乾嘔心下痞硬短氣欬而微利不惡寒無表證此裏有水十棗湯下之○膈上有寒飲乾嘔亦屬少陰用四逆湯○證治論乾嘔而利黃芩半夏湯○胃中似喘不喘似嘔不嘔似噦不噦憤憤然無柰者生姜半夏湯

嘔吐

嘔吐陽明氣逆行

太陽合病利不利

數為胃熱緩寒生

腎證三條各有評

表邪傳裏裏氣上逆則為嘔吐水穀不下是也傷寒嘔吐有胃熱有胃寒有水氣有膿血辨是四者而已胃熱者脈數或緊必有口苦舌乾煩渴之證胃寒者脈弦而遲必有逆冷下

食大小便自利之證水氣者先渴後嘔膈滿怔忡若胃脘膿血則腥氣燥氣奔逆上衝經所謂嘔家有癰膿不須治膿盡自愈又謂服桂枝湯吐者其後必吐膿血是矣大抵嘔吐皆有所出已下咽而出者嘔也未下咽而出者吐也吐特甚於嘔耳若槩以嘔無所出則其間所謂乾嘔者獨何耶嘔吐多屬陽明氣逆而上行戒不可下汗後水藥不入口者逆嘔而脈弱小便自利微熱而厥者虛極難調也生薑嘔家聖藥熱燥者烏梅代之

○陽明嘔吐小柴胡湯加生薑主之陽證通用嘔而發熱小柴胡湯嘔而渴猪苓湯先嘔後渴此為欲解急與水解先渴後嘔為心下停水赤茯苓湯汗後或瘥後胃脘餘熱虛煩嘔吐竹葉湯加生薑汁吐汗下後虛煩不得眠而嘔梔子生薑湯○寸脈數煩熱而吐為胃熱五苓散竹茹湯小柴胡湯○汗下後關脈遲緩而吐為胃寒理中湯正氣散加生薑寒多

鞭

不飲水而吐理中湯去朮加生薑。太陽少陽合病自利而嘔黃芩加半夏生薑湯。太陽陽明合病當自利若不利但嘔葛根加半夏湯。胃中有熱胃中有邪氣腹痛氣逆欲嘔黃連湯。太陽發熱汗出心下煩鬱痞鞭下利嘔吐大柴胡湯。少陰嘔證四逆湯加生薑。水氣或欬或悸身痛自利真武湯去附子加生薑。膈上寒飲乾嘔吐涎沫四逆湯。若更吐利手足逆冷煩躁甚者吳茱萸湯。又手足寒心中溫溫欲吐不得吐脉弦遲為胃中實可吐之或用半夏湯。入生薑汁並屬少陰。溫毒發斑心悶而嘔身熱足冷有本條。水逆證渴欲飲水水入即吐小腸不利故也五苓散。小半夏伏苓湯。金匱云諸嘔吐穀不下小半夏湯。似嘔似噦似喘心中潰潰生薑汁半夏湯。大小橘皮湯。傷寒屢經吐下寒氣隔塞食入口即吐乾薑黃芩黃連人參湯。汗後水藥不入口者逆半夏伏苓湯。嘔吐膿血見吐血條。

吐血

吐血諸陽受熱邪因而熱毒流於臟

表之不發咎鑿家地血三苗數劑嘉

諸陽受熱其邪在表當汗不汗致使熱毒入臟積於內遂成吐血蓋傷寒失汗則邪熱化為惡血或蘊毒不除亦能蒸腐其血凡眼閉目紅神昏語短心忪痛悶眩冒迷忘漱水燥煩嘔吐喘促驚狂讖語鼻衄唾紅背冷足寒骨熱膚閉四肢厥逆多汗頑痰脅脇小腹滿急大便黑而微利小便多而不禁此等皆瘀血證也男女均有此血脉婦人傷寒尤多見之以其得病於經水來去之期或受病中間經水適至耳血之為痛大抵夜重日輕或晝明了而暮讖語血屬陰從其類也前證不必悉具但見其一二分曉便作血證主張犀角地黄湯。小柴胡湯。桃仁承氣湯。三黃湯丸。酌量輕重用瘀血結其抵當湯丸。主之諸湯皆以川芎為佐取盡大便黑物則佳雖

瘀血結其
之其當作

甚

然傷寒咯血猶難救療况吐血乎凡吐血皆非恙初病猶可用工有陸續而來或經數時而復吐者斷不可救藥也。方藥詳見解題通用羅蔔汁一小盞入新汲水煎茅花主之血熱者黃連阿膠湯證治論用地血散。糜皮湯。三黃瀉心湯。大下後寸脉沉遲尺脉不至咽喉不利唾膿血者麻黃升麻湯此有两證一陽毒一少陰在陽毒則或用陽毒升麻湯在少陰則或用甘梗湯加半夏生薑汁。服桂枝湯吐者其後必吐膿血犀角地黄湯。非傷寒證而吐血者與蛤粉散若虛勞咳嗽吐血口苦咽乾真黃耆湯主之。

衄血

衄血膀胱病欲瘳

脉微發表病家愁

緊而無汗麻黃進

浮緩熱熱以桂投

經絡熱盛陽氣擁重迫血妄行出於鼻者為衄其熱在表也。是雖表熱邪猶在經然亦不可發汗汗之則額上陷脉緊急

直視而不得卧古人戒之所以無汗用麻黃有汗用桂枝者非治衄也散其經中邪氣耳若邪氣不得發散擁迫於血而衄復不止也太陽衄血固為飲解或有衄血不止但頭面汗出其身無汗及發汗不至足者又為惡證當明辨之。太陽證衄血及服桂枝湯後致衄者皆陽氣盛長病欲解也屬犀角地黄湯。衄而脉微不可發汗與犀角地黄湯黃芩芍藥湯衄不止。茅花湯。無汗而衄脉尚浮緊可再與麻黃湯。有汗而衄脉尚浮緩可再與桂枝湯。衄而煩渴欲飲水水入即吐者先服五苓散次服竹葉湯。陰證本無衄若少陰厥而無汗強發汗必動血血從耳目口鼻而出是為下厥上竭不可治治要方用黑錫丹。千金云凡時行衄血不可斷之如或過多即可斷以龍骨末吹入鼻九竅出血通用。陽明發熱口燥漱水者必衄見漱水條謹不可汗。

膿血

下膿血室必讖言
消穀糞堅臍下蓄

濕毒無如腸垢鮮
膀胱熱結六條全

○衝脈為血之海即血室也男女均有此血氣亦均有此衝脈
衝之得熱血必妄行在男子則為下血讖語在婦人則於經
水適來適去之時經氣尚虛邪乘虛入或熱退而胃滿讖語
或蓄血而寒熱似瘧皆謂之熱入血室私竊怪夫世俗常談
凡病皆先調氣而血之一字念不到焉其間一二亦知理血
則曰婦人有之不思血氣即陰陽也負陰抱陽中兩間而為
人誰獨無此血氣哉否則張朱之書所謂**桃仁承氣湯****抵當**
湯丸之類是特為婦人設耳然而血證之味何如曰挾血者
脈來乍澀乍數閃灼明滅或沉細而隱伏也若夫血熱交攻
則寸關洪盛大抵多於左手見之左手主血固如是爾經云
血上逆則忘血下蓄則狂下焦蓄血小便必自利血結之處
又當以此推之外證具于吐血汗解

藥 瀉 汁 赤黃

○陽明病下血讖語或胃脇滿如結胃暮夜如見怪狀此為
熱入血室頭汗出者刺期門以瀉肝若不刺合用**小柴胡湯**
加**生地黃****枳殼****梔子仁**○腹痛身熱下膿血如魚腦如爛肉
汁曰濕毒**桃花湯****地榆散****黃連阿膠丸**治要方用**冒風湯**加
木香或**除濕湯**○熱氣乘虛入於腸胃臍下有熱泄汗赤黃
白腸垢**黃芩湯****白頭翁湯****藥皮湯**○無表裏證已下後脈數
不解消穀易飢多日不大便此有瘀血**桃仁承氣湯****抵當湯**
或**小柴胡**加**桃仁****大黃**又脾約證胃熱消穀有本條○下焦
蓄血其人如狂小腹結急小便必自利與**抵當丸**或**小柴胡**
加**桃仁****大黃****抵當湯****大峻**合用者只與**抵當丸**○太陽病不
解熱結膀胱其人如狂而血自下下者愈不愈用**桂枝湯**○
瘀血灸**甘草****半錢****川芎****香附**倍之**枳殼**又倍之新汲水煎入
醋下○失血少血或尺脈遲或諸脈不出湯劑中須以**人參**
為佐

期門即三焦之府取穴以病人中指中節為寸令仰卧從臍心正中向上五寸以墨點定從墨點兩邊橫量各二寸半大約直兩乳是期門穴也針入四分此證治論穴法可與咳逆條乳下穴參用

發黃

發黃尿秘引清漿身熱甚疼為中濕

便黑尿多血證黃臍乾腹滿胃風傷

發黃者濕氣在裏復於熱於脾胃蒸濕不散而得之或病屬陽而用溫內熱而被火亦發黃也濕氣勝則如熏黃而晦熱氣勝則如橘黃而明傷寒至於發黃單陽無陰病勢已極不可以尋常目之如所謂寸口無脈暈出冷氣如所謂形如煙熏搖頭直視如所謂環口薰黑柔汗發黃不治者亦多矣然而發黃之與瘀血大抵相類又何以辨之曰小便不利者為黃小便自利則瘀血也。千金云酒疸下之終為黑疸(土瓜)

疸為黃病
見之說文世俗
誤以瘰癧為疸非
黃疸
陳

連根搗取汁效

○黃瘰證脈浮滑而緊數尿秘頭面汗出及頸而止渴引水漿茵蕩湯五苓散夾和茵陳湯或五苓散下酒蒸黃連圓○血證發黃如狂小便多大便黑桃仁承氣湯犀角地黄湯抵當圓○太陽中濕發黃身熱甚痛頭汗目黃蓋寒濕在裏致之可五苓散梔子麝皮湯若欲解散則用麻黃連翹赤小豆湯餘見中濕條中濕與發黃不利小便非其治也○陽明傷風發黃易飢氣短腹滿鼻咽乾心脇痛小便難潮熱咳嗽咽痛息短頭眩嗜卧脈弦浮大小柴胡加伏苓○初發黃急用瓜蒂末口含水搗一字許入鼻中出黃水次服茵陳五苓散

發斑

斑如溫毒黑膏良

熱病重陽別有方

裏實表虛因發出

若還發汗愈增瘡

病證屬陽誤投溫藥或當汗不汗或當下不下或汗下未解

陽熱內然蒸滲外迫熱毒入胃皆致發斑蓋熱必傷血血熱不散裏實表虛由是熱氣乘虛出於皮膚輕則如疹子重則如錦紋是爾斑家謹勿發汗汗之重令開泄瘡爛又加多也凡斑畧見一二須早圖之日子稍延獨陽絕陰不可救藥其發黑斑者熱劇胃爛無及矣然而斑之方萌與蚊迹類焉又不可誤用藥也發斑多見於胃腹蚊迹多在手足之間關前陽脈洪大病人昏潰先紅後赤者斑也陽脈不洪病人自靜先紅後黃者蚊也發斑屬陽陽毒具而陰脈形或大便自利或怫鬱氣短而燥糞久不得通虛扁復生莫能施其巧

○溫毒發斑冬月冒寒至春間陽氣盛則發病經吐汗下而表未解毒未消也(黑膏)主之肌肉斑爛咳而心悶下利嘔吐清汁下部瘡或口瘡(黃連橘皮湯)葛根橘皮湯○熱病發斑時氣發斑(大青四物湯)(猪膽雞子湯)○陽毒曰重陽發斑有本條○咽痛者(玄參升麻湯)○發斑通用(升麻葛根湯)(敗毒

散犀角地黃湯熱多者玄參升麻湯加生薑烏梅又黃連一物湯青木香一物湯可擇用有下證者少與(調胃承氣湯)孫兆用(紫雲)一劑證治論用(白虎)加人參湯○發斑湯劑須以(紫草)(川芎)為佐血熱內結者與(小柴胡湯)○發斑小點稀疎色常鮮紅者易治或如錦紋癰起餅搭者難治若初發色紅漸次微黯良久黯又轉甚面色肌肉鰓晦者斷不可救初發便如黑誌者亦然赤斑五死一生黑斑十死凡內外熱熾汗下不解煩悶咳嘔足冷耳聾便是發斑之證

舌白胎

舌胎大熱療應難

懊懷脇堅并中濕

利腹疼分嘔惡寒

更兼臟結六條者

病家邪氣在表舌上無胎目傳入裏津液結搏則舌生白腹如胎之狀是亦丹田有熱也熱劫傳裏其舌胎滑熱氣漸深其舌胎溢熱聚於胃舌為之黃若舌間黑色則病已深而熱

已極矣經云熱病口乾舌黑者不治蓋古屬心心屬火黑者
 賢家賊熱所勝五臟反尅其能生乎
 ○尺寸脉緊口中熱氣而乾燥足冷蹇卧鼻中涕出舌上胎
 滑勿妄治也到七八日以來微執手足温為欲解或七八日
 以上反大執者難治若腹痛者必欲利與理中湯若惡寒者
 必欲嘔與小柴胡湯加人參枳實根○太陽誤下胃中空虛
 客熱動膈懊懣懷舌胎扼子豉湯或陽明證其其脉浮緊下之
 而懊懣舌胎用藥同○陽明脇下鞭滿不大便而嘔舌上白
 胎小柴胡湯○陽明中濕舌上生胎以丹田有熱胃中有寒
 濕也五苓散主之○臟結亦屬陽明舌上白胎有本條○舌
 黃者法當下之舌黑者不治

口燥咽乾

口燥陽明背乍寒

少陽專以此柴胡治

人參白虎療咽乾

腎證應須急下安

脾胃有熱津液涸少所以口燥舌乾然而口中乾燥汗之將
 何如曰汗之重無津液其咽乾者尤不可汗也治法固自有
 條或依條用藥而口中尚更不知則當以瘀血推之蓋焦煩
 漱水口燥唇乾血證有之矣○陽明口躁咽乾無大執皆微
 惡寒煩渴白虎加人參湯渴欲飲水者用藥同○少陽口燥
 咽乾小柴胡湯○少陰口燥咽乾而渴者急下之用承氣湯
 ○血證口躁唇乾見漱水條○狐惑咽乾唇瘡聲啞有本條

煩燥

煩燥來時熱氣升

陽明躁重連臍痛

陰為陽勝太陽經

腎候陽虛陰燥乘

心主火腎主水心熱則煩腎熱則燥此通論也傷寒煩燥則
 有陰陽虛盛之別焉陰虛而陽勝則為煩陽虛而陰勝則為
 躁有先煩而漸加躁者有先躁而後復煩者煩其熱之輕燥
 其熱之甚也或邪在表或邪在裏或陽勝或陰勝或火邪條

自而煩燥起至
身冷大燥止凡
燥皆改躁

燥

例不一當詳審而調理之設若結胃證具而煩燥吐利四逆
而煩燥下利發熱厥逆而燥不得眠惡寒蹇掌脈不出而燥
此皆不治之證或者見幾而作聲之可乎
○太陽證煩燥寸關脈浮數身熱是也風寒俱盛其脈浮緊
無汗而煩燥當汗不汗其人煩燥並用**大青龍湯**心中悸而
煩燥**小建中湯**熱六七日渴欲飲水**五苓散**無熱但狂言煩
燥**五苓散**水調服刺吐之自汗心煩小便數不可與**桂枝湯**
只用**芍藥甘草湯**服**桂枝**後汗出煩渴甚脈洪大**白虎加人**
參湯○陽明證煩燥以多日不大便有躁糞故遶臍痛而煩
燥也以**承氣湯**隨輕重用○少陰證煩燥尺寸俱沉厥冷自
利是也心煩不得卧**黃連雞子湯****黃連阿膠湯**吐利厥逆煩
躁欲死**吳茱萸湯****伏苓四逆湯**下利咽痛心中煩滿**猪膚湯**
下利嗽嘔煩渴不得眠**猪苓湯**惡寒而蹇時時自煩欲去衣
被**大柴胡湯**○太陽病以火熏之而不得汗亦致煩燥或火

燥

熨其背令人汗出大熱入胃而煩燥並**黑豆煎湯**解之○汗
後煩不得眠欲水者少與之小便不利與**五苓散**○下後晝
煩夜靜不嘔不渴無表證脈沉微**乾薑附子湯**若兼燥懷即
與**梔子豉湯**發汗若下之病仍不解而煩燥**伏苓四逆湯**吐
汗下後虛煩心下痞滿氣上衝胃頭眩經動身為振搖**伏苓**
桂枝白朮甘草湯虛煩附入胃滿條○瘥後胃弱不能勝穀
亦致微煩減穀則愈仍與**小柴胡湯**○陰極發燥或陰毒用
火熨灸及投熱藥以致發燥者並不可誤用涼藥燥甚仍與
熱劑用**四逆湯****返陰丹**○陰盛隔陽身冷大燥欲飲水不入
口不得睡脈細沉緊有本條

渴

渴為浮脈太陽臨
陽毒熱多并中暑
其人引飲喜盃深
熱氣薰蒸津液耗少所以發渴熱邪深淺條例不同然其渴

汗是陽明利少陰

鞭不大便

者大抵裏有熱也或曰六經外證獨少陰曰渴厥陰曰煩何
那少陰屬腎主水熱氣既深腎水易竭安得而不渴厥陰屬
肝心之母也病主消渴飲水多而小便少是其裏熱已極子
氣乘母於是挾心火以為煩惟煩則消矣凡渴證用藥並去
半夏以其性燥而逐水也若先嘔後渴則為欲解當與之水
先渴後嘔則為水停心下屬赤伏苓湯故併述之

○太陽發渴則脈浮表不解心下水氣小青龍湯去半夏加
栝樓根服桂枝湯汗出後煩渴甚者白虎加人參湯小便不
利而渴五苓散身熱惡風手足溫脇滿而渴小柴胡去半夏
加人參栝樓根太陽病無汗而渴勿用白虎湯可小柴胡若
得汗後脈洪大而渴可少與白虎湯○風溫灼熱而渴栝樓
根湯○陽明發渴則有汗脇下鞭不大便而嘔舌上白胎小
柴胡去半夏加人參栝樓根陽明病汗多而渴勿用五苓散
可竹葉湯若汗少小便不利脈浮而渴與五苓散一云猪苓

湯然本方內有阿膠滑石其性尤利又當審之發黃證頭汗
出小便不利渴引水漿茵陳湯茵陳五苓散○少陰發渴則
自利咳而嘔引水飲猪苓湯下利而渴欲飲白頭翁湯脈微
細欲吐不吐心煩但寐小便白下利而渴四逆湯○陽毒大
熱大渴黑奴圓主之○中暑渴者白虎加人參湯若渴不已
與酒蒸黃連圓○渴欲飲水水入則吐曰水逆五苓散

漱水不嚥

漱水陽明衄血時
發狂痰血無寒熱

頭疼口燥熱生肌
犀角桃仁類例推

唇燥口乾血證類有之必欲取水而灌漱也然漱水而不飲
水何哉蓋渴者易為飲陽熱入裏胃中液乾患不與水耳惟
夫上焦痰血下焦蓄血乘肺發燥渴證獨無是以漱水而不
欲下咽也漱水條例惟血證有焉
○陽明身熱頭疼口躁漱水不欲入咽必衄血脈微者犀角

口燥

常花宜查本草
忍即茅花湯之

渴感小

一愈

八湯(棠花湯)○無表證不寒熱胃腹滿唇躁口乾漱水不
小便多此為瘀血必發狂輕者犀角地黄湯桃仁承氣湯
日抵當圓取盡黑物為度

可與水

可水除煩使胃和
若還不與無由汗

常須少與勿令多
強與還因水致病

病非大渴不可與水渴不與水無由作汗則喘而殂也傷寒
飲水是為欲愈之候若渴者與之過多或小渴而強與之飲
腹中熱少不能消停飲作害者多矣曰水結曰喘悸曰咳
噎曰嘔噦曰腫滿曰下利曰小便不利安有不自水氣得之
診視又當識此

○太陽病發汗後大汗出胃中燥不得眠其人欲飲水當少
與之胃和則愈○厥陰病渴欲飲水者與水則愈○霍亂發
熱頭痛身疼熱多飲水者與五苓散○嘔吐病在膈上後必

思水者與猪苓湯○水逆證見嘔吐條○水結證見頭汗出
條○飲水多水停心下氣上乘心則為悸水氣結於胃腸則
為水結胃中虛冷則為嘔噦冷氣相搏為噎上迫於肺則
為咳喘漬入腸中則為下利邪熱所搏畜於下焦則為小便
不利小腹滿而裏急溢於皮膚則為腫重○飲水過多者五
苓散導之

小便自利

小便自利血相干
脾約讖言脚攣厥

蜜導陽明腎證寒
太陽汗下大便難

小便自利非血證則腎虛也惟血證則小腹結而如狂惟腎
與膀胱俱虛則不能約制水液是二者小便皆自利也若腎
虛而挾熱焉故乍瀝乍旋謂之小便數
○傷寒下焦有熱小腹必滿應小便不利今反自利者此血
證也法當下之又有病在太陽遍身發黃其脈沉結小腹雖

地黄湯 棠花湯 ○無表證不寒熱胃腹滿唇躁口乾漱水不
熱小便多此為瘀血必發狂輕者犀角地黄湯 桃仁承氣湯
甚者抵當丸取盡黑物為度

可與水

可水除煩使胃和

若還不與無由汗

常須少與勿令多
強與還因水致病

病非大渴不可與水渴不與水無由作汗則喘而殞也傷寒
飲水是為欲愈之候若渴者與之過多或小渴而強與之飲
腹中熱少不能消停飲作害者多矣曰水結曰喘悸曰咳
噎曰嘔噦曰腫滿曰下利曰小便不利安有不自水氣得之
診視又當識此

○太陽病發汗後大汗出胃中燥不得眠其人欲飲水當少
與之胃和則愈○厥陰病渴欲飲水者與水則愈○霍亂發
熱頭痛身疼熱多飲水者與五苓散○嘔吐病在膈上後必

思水者與猪苓湯○水逆證見嘔吐條○水結證見頭汗出
條○飲水多水停心下氣上乘心則為悸水氣結於胃脇則
為水結胃胃中虛冷則為嘔噦冷氣相搏為噎上迫於肺則
為咳喘漬入腸中則為下利邪熱所搏畜於下焦則為小便
不利小腹滿而裏急溢於皮膚則為腫重○飲水過多者五
苓散導之

小便自利

小便自利血相干

脾約讖言脚攣厥

蜜導陽明腎證寒
太陽汗下大便難

小便自利非血證則腎虛也惟血證則小腹結而如狂惟腎
與膀胱俱虛則不能約制水液是二者小便皆自利也若腎
虛而挾熱焉故乍瀝乍旋謂之小便數
○傷寒下焦有熱小腹必滿應小便不利今反自利者此血
證也法當下之又有病在太陽遍身發黃其脉沉結小腹雖

堅而小便不利此則非血若或小便自利其人如狂血證諦矣下之抵當湯圓○陽明自汗應小便少而反自利者津液竭也糞雖硬但以蜜導猪膽汁亦可以導○少陰四逆小便自利為虛寒用四逆湯或真武湯去茯苓若小便白亦是下焦寒與四逆湯○小便數大便鞭此為脾約脾約圓麻仁圓主之張氏云跌陽脈浮而濇浮則胃氣強濇則小便數是為脾約跌陽胃脈也此證消穀引飲蓋胃壯而熱矣○傷寒脈浮自汗小便數若胃不和而譫語少與調胃承氣湯○太陽便厥可與甘草乾薑湯為藥甘草湯○太陽吐汗下後小便數大便因鞭小承氣利之○小便尿血證治論用延胡索散

遺溺

遺溺風温戒利腸下焦不攝兼停血

腹澎身重合三陽腎絕狂言五證詳

水液之餘者入胞而為小便胞中虛寒不能約制水液加以邪氣乘之故旋溺自遺而不禁也

○風温脈浮自汗體重多眠鼻鼾喘息恬不欲言誤下則小便不利直視失溲○三陽合病腹滿身重口中不仁面垢譫語遺尿並不可汗下少與白虎湯○膀胱豬水下焦不攝則亦遺溺經云邪中下焦陰氣為慄足膝逆冷便溺妄出合用四逆湯○下焦蓄血小腹結急小便自利不禁輕者桃仁承氣湯重則抵當湯圓○狂言直視遺尿腎絕不治

小便難

小便汗竭胃乾空引飲濕黃須要利

多汗陽明並戒通澁難虛熱客胞中

汗自外泄津液中乾此小便所以不通也或陰虛而陽湊之小腸伏熱亦令旋溺赤黃數且難矣素問曰陽入陰分則膀胱熱而小便難其謂是乎多汗者以利小便為戒伏熱者以

涼劑行之若夫中濕發黃不利小便非其治也

○發汗多亡津液胃中乾小便不利及陽明汗多小便不利者並不得利之小便自利則愈○引飲過多下焦有熱小便

不利脉浮者五苓散脉沉者猪苓湯○中濕發黃家並與利小便○小便難者陰虛而陽湊之故小便黃為下焦熱以瞿

麥滑石葶利之木通散亦可太陽汗後漏不止而惡風四肢急小便難桂枝加附子湯陽明中風脉浮弦大身黃暈乾氣

短腹滿潮熱時噦心脇痛嗜卧小便難小柴胡加茯苓○表有水氣身熱而咳表不解心下停水小腹滿小便不利小青

龍湯去麻黃加茯苓汗下後發熱頭須強痛無汗心下滿微泄小便不利桂枝湯去桂加茯苓白朮嘔而發熱胃脇滿心

下怔忡小便不利小柴胡去黃芩加茯苓少陰病小便不利四逆散加茯苓

○瘥後腰下有水氣牡蠣澤瀉散主之

大便下利

利惟膽胃負時殂

腸垢鴨溲并濕毒

不渴脾寒渴腎虛
讞言備載古人書

下利須別陰陽三陽下利身熱太陰下利手足温少陰厥陰

下利身涼無熱此大槩也自利不渴小便色白脉微清穀厥冷惡寒凡此皆寒渴欲飲水尿色如常泄下赤黃發熱後重

凡此皆熱要之風邪入胃木來勝土故大腸暴下其裏虛恟熱者下利尤多或解散或和解或攻泄或温中或固下焦或

利小便隨證有條但不容發汗蓋邪氣內攻若外復泄其津液則胃氣轉虛必脹滿矣然則下利之脉何如曰身涼脉小

者順身熱脉大者逆大則為虛微弱則自止滑而數者是又有宿食也若夫下利讞語而目直視下利厥冷無脉灸之身不温而脉

利發熱汗不止或厥不止下利厥冷無脉灸之身不温而脉不回下利日十餘行其脉反實皆邪擁正氣而下脫五奪之

下利厥躁本決
作下利厥逆躁不
得臥

最急者也雖有工巧將焉用哉

○太陽陽明合病下利頭疼目疼鼻乾脈浮長葛根湯○太
陽少陽合病下利頭疼胃滿乾嘔脈浮弦黃芩湯嘔者加半
夏生薑○少陽陽明合病下利身熱胃脇滿乾嘔往來寒熱
脈長大而弦為負負者死但長大而不弦為順又脈滑而數
則有宿食小承氣湯下之遲而滑者亦少下之○太陰自和
不渴四逆湯理中湯太附湯○少陰自利必渴腎虛引水自
救脈微者白通湯厥逆無脈白通猪膽汁湯通脈四逆湯若
渴而嘔嗽心煩不得眠猪苓湯自利清水色青心下必痛口
中乾燥此不可溫須下之用大承氣湯三陰下利法當用溫
若自利清水心下痛口乾燥須下之下利發渴屬少陰固也
然三陽亦有飲水者乃有熱也○協熱利者曰腸垢臍下必
熱便中垢膩赤黃或飲水乃熱也黃芩湯白頭翁湯蘼皮湯
此證惟黃芩最妙凡協熱下利通用之○胃寒利者曰鴨溏

黃芩
蘼皮

燥屎

臍下必寒腹脹滿便中黃白青黑或清穀四逆湯理中湯白
通加附子湯寒毒下利面戴陽者下虛也○濕毒利者腹必
痛下膿血如魚腦如爛肉汁桃花湯地榆散黃連阿膠湯或
用除濕湯胃風湯加木香○下利讞語有燥屎也脈不微細
可下之用小承氣湯○三部脈平心下硬而下利者腸胃有
積結也急下之○下利心下痞者詳見痞條○陰毒陽毒亦
有下利有本條○下利身痛腹滿清穀急救裏用四逆湯服
藥後清穀止但身痛者急解表用桂枝湯○固下焦利小便
方論見痞條風邪入胃下利熱則敗毒散冷則不換金正氣
散或加乾薑木香○假如他病腸風失血崩中漏血之人繼
而下利大腸裏急痛不可忍雖與巴粉取積已行疎導其痛
獨存者此非積也榮血虧少陽剛勝陰故爾役藥當以川芎
為佐榮氣一調其痛立止設或小便不通五苓散不能作效
當以分心氣飲加川芎麥門冬與之自然快利或蘊熱血痢

腹中痛甚踈通滌熱痛未得平亦當為之調血

霍亂

霍亂渴來用五苓
憎寒厥熱薑甘附

寒多不水理中尋
中暑焦煩腹痛侵

張氏但稱吐利者非霍亂也霍亂邪在中焦以飲食無節居
處不常得之夾食傷寒陰陽爭隔上吐下利而燥擾痛悶是
其候爾偏陽則多熱偏陰則多寒卒然而來危甚風燭許仁
則謂濕霍亂死者少乾霍亂死者多蓋以所傷之物或因吐
利而出泄泄盡則止其死少也夫上不得吐下不得利所傷
之物擁閉正氣關隔陰陽煩燥喘脹其死多也夫飲食起居
當以此為戒○霍亂吐利熱多而渴五苓散○寒多而不飲
水理中湯圓或有寒腹痛而痛四肢拘急轉筋下利者劉理
中湯加生附子官桂○吐利汗出發熱憎寒手足厥冷拘急
其脈沉細四逆湯○中暑霍亂煩燥大渴心腹撮痛四肢冷

乖
六行
十行
五行
燥均
改躁

冷汗出脚轉筋香需散千金云轉筋者用理中湯加煨石膏

○汗後霍亂雖吐利已止而身痛不休少與桂枝湯吐利已

止汗出四肢厥而拘急脈微欲絕通脈四逆加猪膽湯○霍

亂通用霍香正氣散腹痛加桂痛甚去霍香加茱萸小便不

利加伏苓瀉而不吐除濕湯加桂吐而不瀉除濕湯去蒼朮

加桂丁香○乾霍亂心腹作痛欲吐不吐欲下不下先以鹽

湯一盞頓服候吐出令透即以劉理中湯倍加橘紅與之凡

氣痞于中不吐不瀉害人甚急可蘇合香圓用枳殼散下或

用霍香正氣散加官桂茯苓倍加枳殼大抵風雨寒濕邪自

外入霍香正氣散除濕湯為要飲食居處邪由內發治中湯

主之其或吐瀉不止面青厥冷者震靈丹研開木香乾薑煎
湯調下○大柴胡湯一證云發熱汗出不解嘔吐下利而心
中痞者大柴胡主之此則非霍亂也
失音

失音發瘥反張弓
風濕血迷并舌卷

狐惑唇瘡啞似聾
更兼中暑語難通

言心聲也而聲音道路出於喉啞肺亦主之若風若痰若血若熱與夫邪毒之氣伏於心竅或滯於喉間皆令人失音或語短而聲蹇澁也活人書惟有發瘥狐惑條例風濕而下諸家之正說附焉。瘥證口噤頭搖掣癡不語項強背直腰身反張有本條。狐惑即濕蠱也虫食下部為狐下唇有瘡其咽乾虫食其臟為惑上唇有瘡其聲啞有本條。風濕內有一證緩弱昏迷腹滿身重自汗失音下利不禁白通湯加白

新刊仁齋傷寒類書活人總括卷之五

總括

終應改

照明本

發熱汗流甚入心脈

以不語此用小柴胡湯熱渴甚者

用竹葉湯。風纏喉啞不語細辛皂角末入鼻通關次用南

星略炮加生薑柴蘇執煎與之。失音亦須調導大小便終

新刊仁齋傷寒類書活人總括卷之六

怫鬱

怫鬱陽蒸聚體膚

便堅為實噦為虛

二陽併病顏容赤

火迫身黃惕惕如

怫鬱者陽氣蒸越形見於頭面體膚之間聚赤而不散也其證則有異焉大便鞭而氣短者實也汗下後而得噦者虛也若虛若實當詳審之

鞭改鞭

○小便不利時有微熱大便乍難怫鬱而不得卧此燥糞裏實也承氣湯主之。吐下後極虛而汗之其人怫鬱復與之水以發其汗因而得噦此胃中寒也桂枝人參湯加茯苓。太陽初得病發汗不撤併歸陽明續自微汗面色赤者陽氣怫鬱也解肌湯主之或汗又不撤其脈緊濇與麻黃湯。陽脈浮陰脈濡弱妄以火熏熨欲令汗出客熱得火內則驚惕外則怫鬱蒸肌身目發黃小柴胡湯加黑豆與之

失音發瘥反張弓
風濕血迷并舌卷

狐惑唇瘡啞似聾
更兼中暑語難通

言心聲也而聲音道路出於喉啞肺亦主之若風若痰若血若熱與夫邪毒之氣伏於心竅或滯於喉間皆令人失音或語短而聲蹇澁也活人書惟有發瘥狐惑條例風濕而下諸家之正說附焉。瘥證口噤頭搖掣癡不語項強背直腰身反張有本條。狐惑即濕蟻也虫食下部為狐下唇有瘡其咽乾虫食其臟為惑上唇有瘡其聲啞有本條。風濕內有一證緩弱昏迷腹滿身重自汗失音下利不禁。白通湯加白木甘草。血證心忪語短眩冒迷忘詳見吐血下膿血條。厥陰舌卷囊縮毒氣入臟或有不語此用小承氣湯。伏暑發熱汗渴暑入心胞絡亦或不語此用小柴胡湯。熱渴甚者用竹葉湯。風纏喉啞不語細辛皂角末入鼻通關次用南星略炮加生薑柴蘇執煎與之。失音亦須調導大小便終

新刊仁齋傷寒類書活人總括卷之六

怫鬱

怫鬱陽蒸聚體膚

便堅為實噦為虛

二陽併病顏容赤

火迫身黃惕惕如

怫鬱者陽氣蒸越形見於頭面體膚之間聚赤而不散也其證則有異焉大便鞭而氣短者實也汗下後而得噦者虛也若虛若實當詳審之

鞭改鞭後同

○小便不利時有微熱大便乍難怫鬱而不得卧此燥糞裏實也承氣湯主之。吐下後極虛而汗之其人怫鬱復與之水以發其汗因而得噦此胃中寒也桂枝人參湯加茯苓。太陽初得病發汗不撤併歸陽明續自微汗面色赤者陽氣怫鬱也解肌湯主之或汗又不撤其脈緊濇與麻黃湯。陽脈浮陰脈濡弱妄以火熏熨欲令汗出客熱得火內則驚惕外則怫鬱蒸肌身目發黃小柴胡湯加黑豆與之

冒眩

冒因虛極有寒傷

吐汗下餘苓桂朮

頭痛胃堅屬二陽
脈沉自利理中湯

冒者蒙胃之謂眩者眩運之謂上虛則眩諸虛極而乘寒則冒二者皆相似眩其輕而冒其重也婦人新產血虛挾寒必冒冒家自汗則愈若少陰病下利止而頭眩時時自冒者此虛極而脫也其與諸逆發汗劇者言亂目眩設遇歧扁其能起之乎

痞鞭大傾

即大椎

山如扁

愈

○太陽少陽併病頭項強痛或眩冒胃中痞鞭刺太傾戒不得發汗少陽本證亦有目眩見本條○陽明傷風頭眩見發黃條○吐汗下後虛煩脈微或沉緊心下痞脇下痛氣衝胃喉眩冒身搖筋脈動惕久而成萎伏苓桂枝白朮甘草湯○脈沉遲面微赤身微熱下利清穀者必鬱冒汗出證屬少陰理中湯甘草乾薑湯四逆湯隨輕重用○太陽病若下之不

愈因復發汗以此表裏俱虛其人必冒冒家汗自出而愈○

又痰飲眩冒厥逆少與易簡三生飲感濕頭重眩暈芎朮除

眩湯○金匱曰產婦亡血復汗寒多故冒又曰產婦厥冒其

脈微弱不能食大便堅蓋血虛則厥厥而必冒皆是虛寒

心動悸

心悸三陽證自詳

糞堅譏語胃調湯

冒旋甘桂朮真武

小建中兼炙草方

動悸多生於停水或陽氣尚弱心下虛空正氣內動致之或汗下以後正氣內虛邪氣與之擊搏而然也此蓋心悸而氣動其與驚惕不同焉

○太陽病小便利者以飲水多故心下悸小便少者必膀胱

裏急也並用五苓散小半夏伏苓湯主之○陽明病壯熱往

來心下悸小便不利心煩喜嘔小柴胡湯傷風往來寒熱或

心下悸小柴胡湯○少陽病脈弦細頭痛發熱誤汗之必譏

一行鞭改鞭

三行
廿五行
廿六行
燥改燥

重

語轉屬胃胃和則愈胃不和則煩悸而大便鞭屬調胃承氣湯然調胃承氣湯太峻證治論只用小柴胡湯糞鞭者可加大黃煩燥者可入芒消些少凡調胃承氣證以此法代之尤為穩當○太陽發汗過多其人又手自旋冒心下悸欲得按者桂枝甘草湯○太陽病發汗不解仍發熱心下悸頭眩肌體潤動振振欲擗地者真武湯主之或理中湯加茯苓○傷寒二三日心中悸而煩與小建中湯經云先煩而後悸者為熱先悸而後煩者為虛惟虛則小建中主之○少陽病耳聾目赤胃滿而煩妄加吐下則悸而驚可與小建中湯如有熱證即以小柴胡繼之○傷寒脈結代心動悸灸甘草湯○少陰四逆證其人或悸以四逆散加桂主之○心下水氣厥而悸當先治水茯苓甘草湯然後治厥有本條不然水入胃必下利也○傷寒多因吐下或火重或溫針以致驚悸○太陽病若下之胃滿煩驚小便不利讖語身重難以轉側用柴胡

牡蠣

重

杜礪龍骨湯不可發汗○風溫妄用火熏以致發黃劇則如驚瘡時時瘳癢此為逆也金匱風引湯

發狂
發狂面赤屬重陽
血證身黃仍漱水

葶藶升麻及大黃
尿多承氣地黃湯

陰邪併於陰則顛陽邪併於陽則狂傷寒熱毒在胃併入於心遂使神志昏亂言動急速而發狂也狂之發作少卧不飢妄語妄笑妄倨妄辯妄起妄行弃衣而走登高而歌甚則踰垣上屋皆獨陽亢熱使之非吐下不能止亦有當汗不汗痰熱在裏下焦蓄血而如狂者小便必利持如狂而未至於狂耳其或重熨迫汗灼艾燒針令人煩燥卧起不安則謂之火邪驚狂凡是數者各有條例若夫狂言直視旋滿自遺其與汗後熱多脈躁狂言不食智者寒心焉○重陽即陽毒脈實數狂走錯語煩燥乾嘔面赤咽痛潮熱

發斑亭麤苦酒湯陽毒升麻湯梔子仁湯三黃湯大黃散升
麻葛根湯加大黃狂走者水調瓜蒂末吐痰瓜蒂散亦可吐
 ○血證如狂脉微而况身黃唇燥漱水不欲下咽無寒熱小
 腹鞭滿小便利大便微利而黑輕者犀角地黄湯重者桃仁
承氣湯或抵當圓取盡黑物為効張云太陽病不解熱結膀胱
 其人如狂而血自下下者愈若外不解可與桂枝湯外已
 解但小腹結急乃以桃仁承氣湯攻之大抵傷寒當汗不汗
 熱畜在裏熱化為血故喜忘如狂。陽狂寒水石黃連末各
 一錢冷水調下皆效發斑妄語未可下者龍膽草一物湯
 ○火邪驚狂者醫家以火熏熨迫汗及燒針灼艾而然也其
 人亡陽煩燥卧起不安金匱風引湯柴胡加龍骨牡礪湯桂
 枝甘草龍骨牡礪湯柴胡加龍骨牡礪湯
 又火劫腹滿微喘口乾咽爛或不大便讞語用小柴胡湯黑
 豆解火邪湯

直視

直視無神不轉睛

遺尿喘泄搖頭證

衄兼少血汗猶輕
脉濇循衣並卒傾

水之精為志火之精為神五臟六腑之精皆上注於目病人
 邪氣極盛冒其正氣遂使神志不慧目不轉睛而為之直視
 傷寒至於直視證候最逆不救者多亦有反目倒竄眼睛上
 騰此則腎絕雖昌陽引年亦不及新矣

○衄血不可汗汗之則額上陷脉緊急直視不能眴不得眠
 ○少血者肝氣虛目力弱若又發汗亡陽則陰陽俱虛必至
 直視二者雖逆猶未甚也。狂言遺尿反目直視腎絕不治
 ○直視讞語喘滿者不治下利者亦不治○搖頭直視形如
 煙熏心絕不治。循衣摸床惕惕不安微喘直視日晡潮熱
 下之後脉弦者生脉濇者不治弦為陽濇為陰是陽病見陰
 脉邪盛而正脫也。無表裏證目中不了了睛不和大便難

身微熱此非直視蓋內實也小承氣湯大柴胡湯

讖語

讖言脉數鄭聲虛

下利濕溫并血證

胃實身和熱有無

三陽合病各殊途

實則讖語虛則鄭聲經曰邪氣盛則實精氣奪則虛傷寒胃中熱盛上乘於心心為熱胃則神識昏迷呢喃譫妄此邪氣盛而語言差也若汗後若病久本昔失而正氣虧則鄭重語散不知高下此精氣奪而聲不正也讖語為熱獨語亦熱若狂語則其熱加多至於言亂惡罵又劇甚而難制矣大抵大熱入胃水涸糞燥必發讖語當下誤汗當汗過多亦發讖語讖語屬陽見陰證者逆讖語喘滿氣逆而上奔也讖語下利氣脫而下奪也真氣離絕謂之何哉

○讖語為實脉洪數大便秘小便赤手足溫少與調胃承氣湯
○湯陽實讖語脉短促者不治若逆冷而脉沉細者即死○鄭

聲為虛脉微細大小便自利手足冷用白通湯○胃實讖語身熱汗多胃中燥大便硬或潮熱少與調胃承氣湯大小承氣湯酌量用○身和讖語以發汗多亡陽津液不和致之不可下只與柴胡桂枝湯○下利讖語為有躁屎脉不微細即須下之用小承氣湯讖語而利不止則不治又汗出讖語者風也須俟其過經乃下之○濕溫苦妄言證有本條○瘀血讖語狂言漱水大便黑小便多遍身黃小腹滿緣當汗不汗蓄熱在裏熱化為血故爾輕者犀角地黄湯重者桃仁承氣湯湯抵當圓○熱入血室讖語晝靜夜讖如見鬼狀速與小柴胡湯稍遲則熱入胃津液燥中焦上焦不榮必為血結胃當針期門或脉遲身涼無熱胃滿如結胃狀亦刺期門若血熱犯於胃氣小腹急滿小便自利喜忘如狂晝夜讖語抵當圓主之○三陽合病讖語脉滑實身重難以轉側口中不仁而垢遺尿不可汗下少與白虎湯○發少陽汗則讖語經云汗

燥改躁 蟻

瘥改瘥

問 法所

之則讖語甚謂有少陽也下之則額上汗手足逆冷謂下之
早也。太陽病八九日下之胃滿煩驚小便不利讖語身重
不可轉側柴胡龍骨牡蠣湯。發汗多亡陽讖語不可下柴
胡桂枝湯主之。○火劫讖語口乾煩燥喘滿小柴胡加黑豆

搖頭

搖頭直視似煙熏

瘥證反張并口噤

真病心家已絕根

頭中痛者戰而言

頭者諸陽之會陽脈有年則頭為之搖動然有心絕而搖頭
者有風盛而搖頭者有裏痛而搖頭者形證皆不類焉蓋陰
根於陽陽根於陰陰陽互根氣血所以周流而無聞若心絕
則神去而陰竭陽獨無根不能自主是以頭搖經法謂陽反
獨留形體如煙熏直視搖頭者此也至於太陽發瘥則風盛
於上風主乎動是以頭搖經所謂獨搖頭卒口噤項背反張
者此也言而搖頭者頭中有痛言則痛甚痛則必搖經所謂

振

搖頭言者裏痛也又謂言者為虛不言者為實是也合是言
之均是搖頭耳析而分之曰實邪曰虛邪曰真病又當明其
臧否云。○搖頭直視形如煙熏心家絕也真病不治。○太陽
發瘥搖頭噤口頷背反張身熱足冷有本條。○搖頭言者其
裏有痛言者虛也可與如聖餅易簡言辛湯

戰慄

戰動於身慄動心

振振汗出將瘥愈

正邪勝負兩般尋

鼓頷虛寒病已深

戰慄皆陰陽之爭戰者身為之搖也慄者心戰而揚也邪氣
外與正氣爭則為戰邪氣內與正氣爭則為慄戰者正氣勝
慄者邪氣勝戰則欲愈慄其已甚乎。○振振汗解者蓋邪氣
欲出其人不虛故邪與正爭發為振戰正氣勝則得汗而解
矣。○傷寒六七日欲愈必振振汗出而解其有身不戰而但
鼓頷心慄者遂成寒逆此陰氣內盛正氣內虛不能勝邪反

為邪所勝當以四逆湯薑附湯併御宗文御之理至明矣經云陰中於邪心內慄也又云邪中下焦陰氣為慄足脛逆冷便溺妄出此合用四逆湯薑附湯仍與養正丹

瘕瘕

瘕為引縮瘕為伸

滌熱祛風猶可望

熱極風生併在經火熏發表定歸冥

瘕則急而縮瘕則緩而伸病軀瘕瘕熱氣極矣熱極生風風主乎動故筋脈相引而伸縮不寧傷寒至於瘕瘕疾勢過甚診視調理難乎不乎內經曰太陽終者戴眼反折瘕瘕汗出不流瘕瘕之為絕證也如此。瘕瘕最難療理能用滌熱祛風之劑以折其熱聞有可治之者滌熱如柴胡山梔葦祛風如防風羌活葦是也。風温妄以火熏必然發黃劇則狀如驚癇時瘕瘕經云一逆尚引日再逆促命期設或為鑿所誤只得與金匱風引湯火邪用黑豆解

筋惕身瞤

筋惕身瞤發汗多

左邊動氣如輕汗

酌量真武更無過此證難鑿命何

發汗過多津液涸少陽氣偏虛筋肉失其所養故惕惕身瞤而跳動也張氏特設真武湯以救之然本方不特温經助陽而已其間木苓薑附皆於胃氣有閑焉素問云脾中風則肌肉瞤蓋脾主肌肉胃為津液之海是雖過汗法當温經助陽又不可不以胃氣為本也雖然已經吐下而復汗汗下而復燒針得之尤甚逆也經曰傷寒吐下後發汗脈微心脇痞痛虛煩眩冒氣上衝咽筋脈動惕者久而成痿又曰太陽汗後復下表裏俱虛更加燒針因胃煩面黃膚瞤者難治以至汗出如油口噤肉戰伸吟喘促者不治然則吐汗下可輕乎。陽氣之柔者養筋發汗過多病軀無陽筋必戰動或虛人微取汗或傷風自汗妄用大青龍湯便有厥逆筋惕肉瞤之

證俱屬真武湯羸甚者去芍藥有熱證者去附子尤在酌量用之。○應發汗證而腹中左右上下有動氣者並不可汗若汗之即筋惕身瞤其左邊動氣者尤不可汗發汗則頭眩汗不止筋惕肉瞤其候最逆且先服防風白朮牡蠣散次服小建中湯十救一二。○太陽病發汗不解發熱心悸頭眩身瞤欲擗地真武湯。○吐下後心下逆滿氣上衝胃起則頭眩脈沉緊身振搖者伏苓桂枝白朮甘草湯久而成痿者通用若心下滿痞兼與枳梗湯加茯苓甘草

不仁

不仁口腹及膚皮

正氣重為邪氣伏

痛癢寒溫總不知
榮虛衛弱厥如尸

經曰諸乘寒則為厥鬱冒不仁蓋其血氣虧少不能周流於一身於是正氣為邪氣所伏故肢體頑痺不知痛癢寒溫厥如尸而鬱且冒也苟其不仁脈或浮洪發喘無已水漿不下

汗出如油是氣絕於命門束手待盡而已

○甘草乾薑湯桂枝為藥湯加乾薑或桂枝麻黃各半湯以意度用。○少陰脈不至腎氣微精血少寒氣上奔血結心下陽氣退下熱歸陰股與陰相動令其身不仁是為尸厥

不得眠

不眠腎證利而煩

吐汗下餘煩懊懣

大汗膀胱胃裏乾
熱多熱少數般看

躁

素問云胃不和則卧不安所以不和者津液乾焦熱邪煩燥陽獨盛而陰偏虛故爾蓋夜以陰為主陰氣盛則目閉而卧安惟夫陰為陽所勝故終夜煩擾而不得寧所謂陰虛則夜爭者此也若陽虛而陰勝焉又有夜靜晝煩之證耳。○少陰下利而渴不得眠猪苓湯此停水也若二三日以上心煩不得眠黃連阿膠湯主之。○太陽發汗多或大汗出胃中乾躁煩不得眠欲飲水者少與之胃和即愈若脈浮小便

不利而渴(五苓散)吐汗下後心中懊懣虛煩顛倒不得眠
 梔子豉湯或(酸棗湯)大熱乾嘔呻吟錯語不得眠黃連解
 毒湯凡陽毒熱病皆不得眠。下後發汗無大熱脉沉微不
 嘔渴無表證夜靜晝煩而不得眠(乾薑附子湯)陽勝陰則
 狂眠亂夢用(梔子豉湯)陰勝陽則驚悸昏沉用(酸棗湯)瘥
 後不得眠者熱氣與諸陽相并陰氣未復故也(梔子烏梅湯
 或(易簡溫膽湯)加(竹茹)此可通用

多眠

多眠神思苦沉昏
 狐惑唇瘡沉細腎

自汗風溫默默然
 太陽浮細亦癡眠

陰邪勝陽人多昏默昏昏閉目者陰司闔也默默不言者陰
 主靜也多眠四證二者病在經若太陽惡寒其脉浮細是陽
 氣未盡復也若狐惑淹沉素得之下利則其亡陽可知矣此
 所以為陰勝歟

煩躁

○風溫證尺寸俱浮自汗喘息體重不收嘿嘿欲眠不可發
 汗可(萎蕤湯)病在少陰厥陰二經。狐惑證四肢沉重咽乾
 聲啞上下唇瘡害人甚急有本條。少陰證尺寸俱沉細但
 欲寐急與(四逆湯)復其陽氣又少陰欲吐不吐煩而多寐五
 六日自利而渴張氏無治法若小便白者可用(四逆湯)張氏
 又云少陰病脉微細沉多寐汗出不煩欲吐若變證五六日
 自利煩燥反不得寐者死少陰證變難辨難治貴在審詳○
 太陽證頭項痛惡寒嗜卧脉浮細或胃脇滿者(小柴胡湯)脉
 但浮(麻黃湯)胃傷風發黃嗜卧有本條

瘥後昏沉

瘥後昏沉似怪妖
 語言錯謬精神少

或時寒熱或時潮
 毒在心胞汗未消

傷寒瘥後半月以來終不惺惺錯語少神或無寒熱或寒熱
 似瘥或潮熱煩赤豎以風魅治之非也是由發汗不盡餘毒

在心胞絡間致之

○瘧後昏沉不醒知母麻黃湯再取微汗○瘧後勞復食復見下後有熱條○瘧後胃脘餘熱虛煩而嘔竹葉湯加生薑○瘧後喜唾不已膈上有寒理中圓○瘧後從腰以下有水氣牡礪澤瀉散○瘧後日暮微煩以其病方瘧強與穀食而不消也節飲食則愈

飲酒復

飲酒還教病復來

妄言不寐仍乾嘔

悶煩口燥舌生胎

解毒黃連湯妙哉

極陰變陽寒盛生熱古人以傷寒為大病大病之後可與酒乎有勞復而發熱者有食復而發熱者飲酒致劇其熱尤甚於勞食復也

○傷寒已得汗解因飲酒而復劇煩悶口燥乾嘔伸吟妄語不得腫黃連解毒湯龍膽草煎湯或吉皮為佐

尋衣摸空

尋衣妄語熱晡潮

脈瀼為陰終不救

下後陽弦病有瘳

發黃須要小便流

華陀云病人手循衣縫不治間有一二活者幸也

○吐下後不解多日不大便日晡潮熱不惡寒獨語如見怪劇者不識人循衣撮空怵惕不安微喘直視微者但發熱讖語並用大承氣湯下之若得大便後脈弦者生脈瀼者死弦為陽瀼為陰是陽病見陰脈也○太陽病用火熏之以致發黃陽盛則欲衄陰虛小便難陰陽俱虛身體枯燥頭汗及頸口乾咽爛腹滿微喘或不大便讖語甚者嘔噦循衣摸床此證小便利則可治

百合

百合昏如祟物厭

似寒不冷熱無熱

或時喜食或時嫌

欲步難行卧不恬

百合者百脉一宗舉輩受病無所謂經絡傳次也皆因傷寒虛勞大病之後臟腑不平變而成此其狀似寒無寒似熱無熱意中欲食復不能食默默欲卧復不得卧強欲出行復不能行崇朝口苦小便赤黃藥入即吐利也病源所載證狀一同其脉微數每尿則頭痛者六十日愈若尿不頭痛但淅淅如寒者四十日愈若尿則快然而但眩者二十日愈

○**百合知母湯** **百合地黃湯** **滑石代赭湯** **雞子湯** **百合洗方** 選用之

臟結

臟結無陽舌白胎

雖然飲食全如故

陰筋急痛引臍來

下利頻頻不可回

臟結者臟氣閉結而不復流布也一息不運機絨窮一毫不續穹壤判臟其可結乎外證有如結胃但飲食如故時時下利為異耳其脉寸浮關沉細而緊無陽舌胎陰筋引臍腹俱

痛是也病人脇下宿有痞氣連於臍傍痛引小腹而入陰筋者亦各臟結於此而圖其痊濟豈不難矣哉

○臟結無陽證不往來寒熱或寒而不熱其人反靜舌白胎者皆不可下也蓋其邪未全成熱猶帶表寒可刺**關元穴**仍与**小柴胡湯**加**生薑**

兩感

兩感膀胱對少陰

胃脾肝膽二三日

頭疼口燥大而沉

脉證双傳准例尋

傷寒惟兩感不治兩感者半屬於陰半屬於陽臟腑俱受病也一日太陽少陰俱病則頭疼口乾煩滿而渴脉大而沉二日陽明太陰俱病則身熱臍乾譫語腹滿不食脉長而沉三日少陽厥陰俱病則耳聾囊縮厥冷水漿不入脉弦而沉或三日而僵或六日而仆張氏無治法但曰兩感病俱作治有先後發表攻裏本自不同雙鍾以意消息謂如下利不正身

體疼痛急先救其裏與四逆湯如不下利傷身體疼痛急先救其表與桂枝湯此為治有先後其達權識變之論也謝復古釋張氏治有先後之說亦以為陽先受病在乎表則先解表陰先受病在乎裏則先救裏是亦一意然先表者裏不可緩先裏者表亦不可緩也歟

蚘厥狐惑

蛔厥烏梅及理中

咽乾聲啞名狐惑

臟寒胃冷吐長虫

濕匿唇瘡限數終

蚘厥證屬厥陰病家有寒妄發其汗或汗後身熱又復汗之以致胃中虛冷故長虫逆上飢不欲食食即吐虫其乍靜乍煩者虫或上而或止也虫聞食臭必出所以食則吐虫也張氏有言厥陰為病消渴氣上衝心飢不欲食食則吐蛔吐蛔既出於胃令復有消渴之證何哉蓋熱在上焦而中焦下焦虛寒無熱耳設或大便鞭結是亦蘊毒使然又不可指為燥

以下三方本善不矣
鏡當作鏡

糞但用生料理中湯加大黃入蜜以利之白朮乾薑所以輔大黃也○治法先服理中圓次用烏梅圓若誤下之利不止則用四逆湯又法理中圓加茯苓枳殼烏梅渴者加栝蒌根○狐惑與濕匿皆虫證也狀如傷寒多因傷寒下利變壞成之蓋腹中有熱入食無多腸胃空虛故三虫求食而食人之五臟也其候四肢沉重並惡飲食默默欲眠目不能閉舌白齒晦面目間赤白黑色變易不常虫食下部為狐下唇有瘡其咽乾虫食其臟為惑上唇有瘡其聲啞濕匿條例是雖調理有方此越人所以望而驚也○治匿桃仁湯黃連軍角湯雄黃鏡散備用而已金液丹方狀治濕匿蓋硫黃能殺腹中諸虫無陽者與之

陰陽易陰陽交

陽易陰根腫痛深

溫家味躁重生熱

腹連腰膝痛為陰

陰與陽交汗莫禁

小不

燒棍散
青竹茹湯

男子陽易婦人陰易病新瘥而動淫慾也一名女勞復感於情者亦然其候身重氣之小腹絞痛頭不能舉足不能立四肢拘急百節解散眼中生花熱上衝脊在男子則陰腫入裏腹內攻刺在婦人則裏急腰腫引腹俱疼若手足拳攣其脈離經皆不可活或榮衛虛精髓竭翁翁少氣者席不能動搖者引歲月死吁內傷六氣外傷七情其為害若是歟

○損脈離經一呼一至是為不足至脈離經一呼三至是為有餘○**燒棍散****猴鼠糞湯****竹皮湯****乾薑湯****青竹茹湯****當歸白木湯**以意擇用○陰陽交者溫病不得發汗若汗之復生大熱狂言不食其脈躁疾是也大抵不治若脈浮數則衣證猶在可再汗之若脈沉實或狂語則為胃實陽盛又當下之發汗後復熱者通用此例○再汗用**桂枝湯**○再下用**承氣湯**

陰毒身如擊撲然

疾沉汗渴痛臍咽

煩躁

沉而不疾者非

身斑面赤多煩燥

陽毒狂言洪數弦

陰氣獨盛陽氣暴絕則為陰毒身冷有汗其脈沉細而疾是也沉而右有初病遽然而成者有服藥數日變而成者蓋以腎氣極損生冷傷脾內已伏陰外又感寒致之或先感外寒而後伏陰於內內外皆陰陽氣不守故爾陽氣獨盛陰氣暴絕則為陽毒身熱無汗其脈弦洪促數是也有初病遽然而成者有已經吐下變而成者蓋以酒麪過度丹砂僭燥腸胃極熱致之或病證屬陽誤投溫藥助熱為邪內外皆陽陰氣不守故爾陰陽二毒皆有頭疼微利之證抑陰用熱抑陽用寒固有條例然此二毒皆隨氣逆上結伏於胃中皆令人心下痛硬非常法所能通也當急作規摹以泄之陰毒泄則陽氣復陽毒泄則陰氣復陰陽升降榮衛流行自然大汗而解矣若心下已結延至六七日間斷不可活外證治法詳于後篇

○陰毒外證面目唇爪青黑口開氣短咽噎不利手足厥冷

冷

醒之改惶
二字皆通發躁
改之為是

煩躁
同

甚

身不甚熱痛重如打撲或數慄而寒頭目俱疼腰重背強毒氣攻心心下堅悶腹中絞痛外腎並臍下冷硬額上及手背間冷汗不止嘔吐下利燥渴陰極發燥精神恍惚言語醒醒聲音鄭重舌上黑色陰病回陽服藥未透亦須外借火氣但勿迫燻也生薑良薑能解散寒邪發越陽氣亦要藥也。陰毒沉細而疾身冷有汗陰毒甘草湯白朮散附子散正陽散肉桂散回陽丹返陰丹大雄散正元散退陰散金液丹可選用之令陽氣復而大汗解矣。陰毒已深則灸氣海關元二穴以手足和為効仍以前項藥濟之若六脉附骨疾勢困甚者臍中用先艾後葱法方訣詳具于後凡治陰毒得陽氣下復者皆生煩燥切勿誤投涼藥躁甚與返陰丹輩。陽毒外證身量大熱面目俱赤無汗頭疼腰背四肢疼痛發斑如錦紋心下結悶煩燥咽痛喘麗唾吐膿血下利赤黃小便赤黃錯語驚狂或走其者舌卷而焦黑鼻如煙煤。陽毒弦洪

更改而大
二字

札炷

柱

搗

促數身熱無汗陽毒升麻湯葶藶苦酒湯即米醋大黃湯梔子仁湯黑奴圓太乙牛黃膏用竹葉湯調下或研生地龍大者三條入生薑汁薄荷汁生蜜腦子各少許新汲水調灌下可選用之令陰氣復更汗解矣陽毒大熱煩渴譫語赤斑衄血不止白虎湯一服効。陽毒已深脉洪大內外結熱舌卷黑鼻中如煙煤用新汲水浸濕布數重搭於臍上續又換新水浸布漬冷熱勢絕減即已之詳法于後。太師陳北山方訣治陰毒心下結伏按之極痛大小便秘澀累日用藥不下但出氣稍煖亦可療治急取巴豆肉十粒研爛入麩一錢許捻作一餅堅實安頓臍心立小艾桂灸五七壯覺腹中鳴良久自通利其次用葱白一束緊扎切作數餅灸令温熱貼於臍下以熨斗火熨其上續又易之漸覺體温即以五積散二錢附子末一錢薑七片麩二枚鹽少許水大盞煎七分温服連併二三劑即汗出而瘥又法以大蒜一教搗研捏作餅子

灸熱置於臍心灸十壯大小便即通。治陽毒累經藥下不通結胃堅硬按之極痛或稍通而復再結喘促極熱大燥狂亂即取大活地龍四條洗淨砂盆內研如泥入生薑自然汁少許蜜一匙薄荷汁少許新汲水小盞調和徐徐灌盡漸次涼快若熱熾者加腦子少許如未效再作一劑自然汗出而解或用竹葉湯調太乙牛黃圓灌下二毒灌藥少項以手揉其心膈即得藥下。本事方灸結胃巴豆肉七粒黃連七寸搗細津唾調膏安於臍心艾灸其上不拘壯數以腹中有聲為効灸畢即以湯蘸軟帛拭之恐成瘡爛此方與集驗神功散一同陰陽二毒但有微氣者皆可灸臍間有聲即得汗解尚藥孫用和破結丹治陰陽伏逆變為結胃五六日大便結攻之不及達之不可以此主之用錦辰砂銀青礞石北亭脂肉豆蔻木香官桂降牛生黑附炮巴豆肉不去油各半兩輕粉半分麝半錢金五箔右件將法醋半升入朱砂附子牽

牛三末熬成膏次入徐藥打和得所圓如皂子大輕粉衣每二圓蜜湯調下

陽證似陰陰證似陽

面紅煩燥身微熱

陰極發燥熱極發厥物極則反也

滑沉尿亦大便稀

陰證如陽沉更微

之變也四肢冷小便赤大便秘或糞色黑眼開言動脈沉而滑謂之陽證似陰面亦煩燥身有微熱眼閉穀熱脈沉而微謂之陰證似陽欲知的定當推原反本察色聽聲辨以六經參以外證徐徐焉據脈驗之數熱遲寒陰陽別矣。陽之體輕陰之體重陰家脈重陽家脈輕。陽盛旦靜陰盛夜寧陽虛暮亂陰虛夜爭。陽證似陰白虎湯熱極生寒則四肢逆冷水或用承氣湯。陰證似陽四逆湯加葱白主之陰盛則燥下虛則面赤衰寒則身微熱也

煩躁

陰盛隔陽 陰盛隔陽脈細沉疾身冷大煩燥嗜吐泥水之中欲飲水而不欲入口者是飲水者非可服 霹靂散 少焰散 丹砂圓亦効 孫用和以半兩黑附子一枚燒存性候冷為末入真臘茶一大錢匕和為二服每服水一盞蜜半匙煎六分冷服躁止得睡汗出皆藥之驗也

新刊仁齋傷寒類書活人總括卷之六 照補

新刊仁齋傷寒類書活人總括卷之七

小柴胡湯加減法

傷寒諸方惟小柴胡為用最多而諸家屢稱述之蓋以柴胡半夏能利能汗凡半表半裏之間以之和解皆可用也抑不知小柴胡非特為表裏和解設其於解血熱消惡血誠有功焉蓋傷寒發熱一二日間解撤不去其熱必至於傷血不問男女皆然小柴胡湯內有黃芩柴胡最行血熱所以屢獲奇功但藥性差寒用之貴能加減今推明治法凡表發熱裏又有燥渴糞鞭熱證者是為內外俱熱小柴胡加大黃裏無熱證但發熱在表者小柴胡加桂桂主解表可以溫血所謂陰盛惡寒其辛發散者此也大黃主攻裏可以蕩滌血熱所謂陽盛內熱酸苦湧泄者此也是又別其解表以溫攻裏以寒之義若遇少陽本證及無表裏證或表裏不分之證但依本方用之並不須加減此為止訣虛者少與尤在酌量予每見後季數輩療治傷寒輒用當歸

糞鞭

正

其意蓋為調血計不思一滯中脘二動痰涎三壞胃氣而血熱
 又非當歸之所能除惑之甚矣否則熱入血室張氏特以小柴
 胡主之何哉雖然均是和解耳局方以和解散平穩之劑為和
 解張氏以小柴胡差寒之劑為和解意安在哉蓋局方和解散
 為尋常感冒和平解散設也若夫熱在半表半裏既不可汗又
 不可下非小柴胡一劑孰能內和而外解之乎然而孝者亦不
 可以輕心而用小柴胡也脈之不審證之不詳縱橫泛應執小
 柴胡以為公據脫遇浮熱似陽其不誤人性命幾希矣甚者僅
 以小柴胡收效一二而乃不遵格法輕用大柴胡立意一差禍
 不旋踵吁可畏哉

傷寒諸篤證

搖頭直視形如煙熏心絕。唇脣反青四肢多汗肝絕。反目
 直視狂言遺尿腎絕。汗出髮潤喘而不休肺絕。環口鰓黑
 柔汗發黃脾絕。汗出如油喘促無已水漿不下形体不仁命

絕。大發濕家汗則戒癩熱而痊不治。發濕温汗身青面變
 耳聾不語曰重暈不治。發風温汗必譏語並不治。發風湿
 中濕汗並逆。發動氣汗不治。發少陰汗九竅出血曰下厥
 上竭不逆。發少陽汗則謔語。發汗只在頭面不至遍身鼻
 衄不止者逆。發汗不至足者逆。諸逆發汗劇者言亂目眩
 並不治。當汗無汗服麻黃數劑汗不出者不治。汗出如珠
 不流不治。汗出如油口噤肉戰聲吟喘促不治。汗後嘔吐
 水藥不入口者逆。熱病脈躁盛而不得汗不治。汗後不為
 汗衰復大熱臍躁疾狂言不食曰陰陽交不治。忽冒昧無脈
 服藥後汗解則生若無汗脈不至者不治。少陰厥逆無脈服
 藥通脈其脈漸續則生暴出則不治。下利厥逆無脈灸之脈
 不回身不温不治。少陰四逆下利惡寒而拳發躁無脈不治
 下利日行餘行其脈反尖者逆。少陽陽明合病下利脈長
 大而弦曰負不治。陽病見陰脈不治。發斑屬陽見陰脈不

五行十六行均
十行
五行
改
躁

治。代脈不治。吐血衄血脈反浮大而牢不治。陰易陽易脈
離經外腎腫腹中絞痛手足拳攣不治。欬逆上氣脈散者不
治。謔語脈反沉微四肢厥冷不治。脈陰陽俱虛熱不止者
不治。七八日以上發大熱難治。舌木爛熱不止者逆。下
利發熱或汗不止厥不止並不治。下利發熱厥逆燥不得眠
不治。譫語直視或喘滿或下利並不治。譫語屬陽見陰證
者逆。傷寒脈乍疎乍數不治。發斑先赤後黯面色鰲晦不
治。發斑大便自利不治。發黃而變黑不治。口乾舌黑不
治。口張目陷不治。張口出氣乾嘔骨蒸熱痛者逆咳逆不
止者不治。心下痞悶上氣喘麓者逆。霍亂喘脹煩燥不治
。誤下濕家額汗喘促或小便不利大便自利不治。頭汗內
外開格小便不利此為陽脫不治。腹滿咳逆不得小便不治
。腹大滿而下泄不治若脈洪緊而滑尤可慮。臟結如結胃
舌白胎陰筋引臍腹痛時時下利不治。結胃證具加煩燥不

治。臟厥七八日發厥膚冷煩燥下利無時斬安不治。少陰
吐利厥逆煩燥不治。厥而下利反能食者曰除中不治。四
肢厥逆臍下絞痛石硬眼定者逆。厥陰唇青舌卷黑而耳聾
囊縮不治。頭連腦痛甚手足俱寒不治。陰毒陽毒過六七
日不治。兩感不治。狐感咽乾聲啞唇瘡不治。赤斑五救
其一。黑斑十救其一。尋衣摸空者逆。

傷寒別名

清便自調自可謂大小便如常也。大便秘而堅則曰鞭。小
便不利小便少下利清穀皆謂水穀不分。得大便曰更衣。
大便堅小便利曰脾約。下利曰飧洩。腸僻謂痔也。寒而
利曰鴨溏。熱而利曰腸垢。轉失氣謂氣轉而響時時失下即
後分泄氣蓋腹中有積。大汗傷氣大下傷血或火邪逼迫驚
狂或尺寸脈緊而反有汗或發汗後汗不止而漏風或陰病本
無汗而反有汗或其脈浮遲微弱不能作汗皆曰亡陽。吐汗

下溫針以後其病不解曰壞病曰何逆。瘥後更發熱曰遺熱。○脈相尅賊曰負。○兩手無脈曰雙伏一手無脈曰單伏。○左關脈曰人迎右關脈曰氣口足趺上動脈曰衝陽足後根上陷中動脈曰太谿。○婦人乳頭直下近腹處曰期門。○臍下一寸曰氣海二寸曰丹田三寸曰關元。○玄府即汗空也。○臍間動氣曰奔豚。○筋惕肉動曰瞤。○中暑曰中暈。○妄發濕溫汗曰重暈。○渴欲飲水水入即吐曰水逆。○心下停水怔忡身無大熱頭額微汗曰水結胃。○乾嘔曰哕咳逆曰噦。○目中不了了謂不明了也晴不知謂不和平如常也。○三月至夏方發病曰晚發。

傷寒戒忌

傷寒新瘥後但少喫糜粥常令稍飢不得飽食反此則復。○又不得早起不得梳頭洗面不得多言不得勞心費力反此則復。○瘥後百日内氣體未得平復犯房室者死。○忌食猪羊雞鴨。

狗肉肥魚油膩諸骨汁及鹹藏鮓脯餅麪果物

藥有寒溫相濟

黃連湯用乾薑黃連柴胡桂薑湯用黃芩薑桂麻黃升麻湯用桂枝石膏返陰丹用附子膩粉陰旦湯用乾薑黃芩與夫桂枝石膏湯桂枝大黃湯乾薑黃連黃芩人參湯其藥性寒其藥性溫溫以調陰寒以調陽蓋使陰陽調而得其正其有陽證當下而表怯者陰證當溫而帶熱者皆可以前例推之亦當權其冷熱重輕為之增減斯可矣雖然古之分劑與今之分劑多寡亦不同焉藥則秤三四錢為一服水則用一大盞取七分為一劑此亦通今之論也所謂利藥不嫌生溫湯須要孰又當權衡於此云

據脈

傷寒治法據脈為要問證次之證如此脈亦如此條例經行若證熱而脈遲證寒而脈數切不可自惑於倉卒須是畧去外證

專以脉為主須斟酌而調理之庶無差誤雖然偏陽之脉又何耶曰人稟陰陽二氣陰根於陽陽根於陰往來流通而無間斷者也一或偏勝百病生焉蓋偏陽則多熱偏陰則多寒偏陰則六脉虛濡按之無力頗有細濡輕濡之狀病主沉寒法當溫散人所易知若夫病軀内外有熱其脉不數不洪但指下急濡而小緊如枝條刮刮之狀此則為陽勝陰當用寒涼之劑以解陽熱愆伏之邪以行血熱凝結之毒不可錯認以為脉小脾虛誤以溫藥益其疾也縱或嘔逆亦是熱邪乘虛熱氣閉隔斷不可以溫脾之劑投之否則墮厝火積薪之轍矣凡病皆當審斯

警省

傷寒證候頃刻傳變傷寒治法繩尺謹嚴非可以輕心視之也其間種類不一條例浩繁是固難矣至於陰極發燥熱極發厥陰證如陽陽證如陰脚氣似乎傷寒中暑似乎熱病與夫畜血一證上熱下冷乍開乍寒甚至四肢發厥昏迷悶絕凡此等類

尤當審思而明辯之若疑似未別體認未明姑且試探功不可妄投決病之劑方已雖微死生之係也謹之哉

藥方

本祖南陽活人書其詳見於傷寒百問

凡下證不得用圓子藥謂水銀硃巴粉霜之類作圓以為轉下藥性有毒只取積滯傷動臟腑不能湯滌邪熱以去病也○小兒傷寒節度如大人法但分劑少異其間用藥小冷耳

產婦傷寒

或問婦人傷寒可得問乎曰傷寒三百九十七條一百一十三方此張氏截然之筆削也於其證則有其藥曷嘗以男女為別哉要之月事去來產前產後男子所無請發明其蘊以解世俗之惑蓋婦人以血為主發熱惡寒經水適來經日熱除而胃氣讖語者是則邪氣結於胃脇當刺斷門隨其突而取之傷風經日續生寒熱發作似瘧而經水適斷者是則血結而不行當以

前此
此方

等分

小柴胡湯散之所謂治之而愈者此也至如傷寒發熱經水適來晝醒暮識如見怪狀是則裏無留邪熱隨血散所謂不治自愈者此也前乎吐血下血兩條併以犀角地黄湯桃仁承氣湯抵當湯圓之類言之詳矣抑產前產後治法將何擇焉曰產前安胎產後消瘀於是遵依條例斟酌輕重而調理之安胎者何桑寄生阿膠縮砂為要藥他如桂枝半夏桃仁大黃墮胎及燥熱等輩則不可輕用也消瘀者何川芎蒲黃赤芍為要藥他如內補攔住敗血之劑則不可輕進也朱氏以阿膠寄生人參伏苓白朮等而細末糯米飲調劑為孕婦安胎以紅花一分官桂芍藥甘草半之薑棗同煎為解表消瘀以葱白生薑大劑濃汁為產前發散以小柴胡湯去半夏如解熱入子心郭稽中以枳殼防風一度甘草減半末之點服主大便秘澀又以蜜導之法真可活人然則產婦證治觀此可以問津索澁矣雖然知安胎則不可不調氣知消瘀則不可不扶虛枳殼香附

黃耆

人
黃耆

陳皮以調氣也當歸川芎黃耆人參以扶虛也退熱則柴胡黃芩解肌則葛根乾葛滋腸則麻仁枳殼助陽則乾薑良薑其間採撫雖未備古人之經然而甘辛為陽酸苦為陰皆不越古人之意姑存之篇末以便學者之觀覽云

小兒傷寒

或問小兒傷寒可得聞乎曰小兒傷寒與大人法度則同但分寸少異用藥少冷已略陳於前矣然而驚風瘡豆亦嘗贊布此尤不可闕請發明藥證而條析之惡風惡寒者必隈人藏身引衣密隱是為表證可微取其汗也惡熱內實者必出頭露而揚手擲足煩渴燥糞掀衣氣麤是為裏證可略與疏利也至若頭額冷手足涼口中冷氣面色黯淡大便瀉青此則陰病裏虛當以溫藥救其裏也幸是三者汗下溫之法可以類推矣發汗因桂枝麻黃各半湯加黃耆解肌用香蘇散加乾葛通利四順清涼散微利人參敗毒散溫裏理中湯厥冷甘草乾薑湯尋常感

飲 用 面

冒_暈散或_矣蘇飲傷風發_熱人_參羌活散或_天麻防_風圓_壯
 熱者升_麻葛根湯潮_熱者生_犀散小_柴胡湯加_大黃小便不通
 者_導赤散五_苓散甘_露飲表_裏俱熱如表_裏俱見之證洗_心散
 主之咳嗽則人_參潤肺散加_紫蘇_夾食則_異香散_紫霜_圓輩然
 亦視其小便或赤或白可以知_裏熱之有無或清或濁可以知
 裏_熱之輕重幼而嬰孩則以_虎口指_紋之紅色驗之長而童孺
 則以一指按其三_關據左手人_迎大_緊盛者_斷之所謂七十二
 證某證某方皆無越張_朱格例特不_溫小小分劑而中病則止
 也不然幼幼新書駢集小兒傷寒雖略_萃巢源一二而終篇以
 活人書為_宗巢_守意哉故附于卷末以備_李者之觀覽云

新刊仁_和傷寒類書活人總括卷之七



